



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

61. Sanctissimus Dominus Noster &c. Decretum in causa Neritonen.
Beatificationis, & Canonizationis Ven. Servi Dei Fratris Josephi à Cupertino
Sacerdotis Professi Ordinis Minorum Conventualium Sancti ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

1707.

Et facta per me Secretarium de prædictis Sanctissimo Domino Nostro relatione, Sanctitas Sua benignè annuit. Die secunda mensis Octobris ejusdem anni 1706.

G. Cardin. Carpineus.

E. Inghirami Sac. Rit. Congr. Secr.

D E C R E T U M

X.

Quo Officium S. Antonini Archiepiscopi Florentini sub Ritu semiduplici de præcepto in Ecclesiâ universali recitandum esse sancitur.

Urbis, & Orbis.

Ad enixas preces nomine Serenissimi Magni Ducis Etruriæ Sanctissimo Domino Nostro Clementi Papæ XI. porrectas, à Sanctitate Sua ad Sacrorum Rituum Congregationem remissas & ab Eminentissimo, & Reverendissimo Domino Card. S. Clementis relatas: Eadem Sac. Rit. Congregatio posse concedi censuit, ut Officium S. Antonini Archiepiscopi Florentini, hætenus sub Ritu semiduplici ad libitum in Ecclesiâ universali recitari concessum, in posterum sub eodem Ritu semiduplici, de præcepto tamen, ab omnibus, qui ad horas Canonicas tenentur, reciteretur: Si Sanctissimo Domino Nostro videbitur, die secunda Aprilis 1707.

Et facta per me Secretarium de prædictis Sanctissimo Domino Nostro relatione, Sanctitas Sua benignè annuit, die 16. ejusdem mensis Aprilis, & anni 1707.

Pro Eminentissimo Card. Carpineo Præf. L. Card. Colloredus.

B. Inghirami Sac. Rit. Congr. Secr.

D E C R E T U M

XI.

In Causâ Ferrariens. Beatificationis, & Canonizationis B. Lucie de Narniâ Ordinis S. Dominici Fundatricis Monasterij S. Catharinæ de Senis Ferrariæ.

Factâ relationes ad humilimas, ac repetitas preces, & Instantias Magistratum Ferrariæ, Viterbii, & Narniæ, ac Magistri Generalis Ordinis Prædicatorum, nomine ejusdem Ordinis per clar. mem. Card. Aldobrandinum, tunc hujus Causæ Ponentem, in Congregatione Sacrorum Rituum habita coram fel. recor. Innocentio Papa Decimo die 19. Januarij 1654. de contentis in duobus Processibus autoritate Ordinariâ confectis per clar. mem. Franciscum Mariam Cardinalem Macchiavellum, tunc Episcopum Ferrariensem; primo nimirum Anno 1647. super Cultu, scientibus, & tolerantibus Ordinariis, ab immemorabili tempore exhibitio Beate Lucie de Narniâ, quæ feliciter obdormiverat in Domino die 15. Novembris 1544., & casu excepto à Decretis per san. mem. Urbanum Octavum editis in Congregatione Sanctissimæ Inquisitionis, cujus vigore idem Cardinalis Macchiavellus per sententiam latam die 19. Decembris ejusdem Anni 1647. pronuntiaverat constituisse, & constare de immemorabili Cultu dictæ Servæ Dei, & propterea non fuisse, nec esse controventum Decretis Apostolicis supradictis, & secundo de anno 1648. super Sanctitate Vistæ, Virtutibus, & Miraculis, cum ex-

Bullar. Roman. Continuat. Pars II.

1710.

hibitione etiam nonnullorum antiquorum Documentorum super Stigmatibus, quæ inibi dicuntur impressa in corpore prædictæ Beate, visum fuit, signari posse Commissionem introductionis hujus Causæ, eidem Sacræ Congregationi directam, ut cognosceret an ritè, & rectè pronuntiatum fuisset per supradictum Ordinarium Ferrariensem super casu excepto ex immemorabili, in cujus Commissionis sub inde à piæ mem. Alexandro Septimo signatæ executionem, ad humillimas perces Eminenssimi, & Reverendissimi Domini Josephi Tituli Sanctæ Mariæ Transpontinæ Presbyteri Cardinalis Sacripantes etiam nomine Communitatis Narniæ suæ Patriæ, necnon Reverendissimi P. Antonini Cloche Magistri Generalis prædicti totius Ordinis Prædicatorum, & Monialium S. Catharinæ de Senis Ferrariæ, prout etiam Rev. P. Magistri Thomæ Ripoll Sacerdotis Professi ejusdem Ordinis Provincialis Terræ sanctæ Postulatoris hujusmodi Causæ, propositum fuit in Congregatione Sacrorum Rituum ab Eminentissimo, & Reverendissimo D. Thoma Maria Tituli S. Clementis Presbytero Cardinali Ferrario in locum dictæ clar. mem. Cardinalis Aldobrandini deputato, seu subrogato, Dubium, an Sententia bon. mem. Cardinalis Macchiavelli super Cultu ab Immemorabili erga Beatam Luciam de Narniâ præfesto sit confirmanda in casu, & ad effectum, de quo agitur: Super quo auditis prius pluries in voce, & scriptis bon. mem. Joanne Baptista Bottino Fisci, & Camera Apostolicæ Advocato specialiter deputato ad supplendas vices Reverendissimi Archiepiscopi Myrensis Promotoris Fidei, & subinde Domino Prospero de Lambertinis Sacræ Consistorialis Aulæ Advocato, nec non ejusdem Reverendissimi Promotoris Coadjutore; Eadem Sacra Congregatio censuit, sententiam Cardinalis Macchiavelli, ut præfertur, latam super Cultu immemorabili non esse infirmam in casu, & ad effectum, de quo agitur, si Sanctissimo Domino Nostro videbitur. Die 16. Februarii 1710.

Et facta de prædictis per me Secretarium Sanctissimo Domino Nostro relatione, Sanctitas Sua benignè annuit. Die prima mensis Martii ejusdem Anni 1710.

G. Card. Carpineus.

B. Inghirami Sac. Rit. Congr. Secr.

D E C R E T U M

In Causâ Neritonens. Beatificationis, & Canonizationis Ven. Servi Dei Fratris Josephi à Cupertino Sacerdotis Professi Ordinis Minorum Conventualium Sancti Francisci.

XII.

Sanctissimus D. Noster Clemens Papa XI. enixis precibus Patris Magistri Joannis Damasceni Ordinis Minorum Conventualium Sanctæ Romanæ, & Universalis Inquisitionis, & Sacrorum Rituum Congregationis Consultoris, nomine suæ Religionis eidem Sanctissimo Domino Nostro humillimè porrectis, benignè inclinatus, audito prius Voto Sacrorum Rituum Congregationis, concessit causam Beatificationis, & Canonizationis dicti Servi Dei Fratris Josephi à Cupertino prosequi, agi, & discuti posse super illius meritis usque ad totalem determinationem non obstante, quod à die obitus illius sequitur die 18. Septembris 1663., seu &c. non sint adhuc elapsi quinquaginta Anni ad formam Decretorum san. mem. Urbani Octavi, quibus expressè

1712.

in hac Causâ derogavit, & ita servari, prosequi, agi, discuti, & terminari mandavit, dictis Decretis aliis Constitutionibus Apostolicis, ceterisque contrariis non obstantibus quibuscumque Hac die 10. Julii 1711.

G. Card. Carpineus.

B. Inghirami Sac. Rituum Congreg. Secretarius.

D E C R E T U M.

XIII.

In Causâ Viennen. in Galliâ Beatificationis, & Canonizationis Ven. Servi Dei Joannis Francisci Regis Presbyteri Societatis Jesu die 27. Martii 1712. Festo Paschatis Resurrectionis Domini Nostri Jesu Christi.

SANCTISSIMUS Dominus Noster, absoluto Sacro solemniter à Sanctitate Sua celebrato in Basilicâ Principis Apostolorum, statim ac ad suas solitas mansiones Palatii Vaticani reversus fuit, advocavit ante prandium Dominum Advocatum Prosperum de Lambertinis Fidei Promotorem, ac me infra scriptum Prothonotarium Apostolicum, modò exercentem Vices R. P. D. Secretarii Congregationis Sacrorum Rituum, nobisque dixit, elapsis diebus, videlicet die 15. currentis mensis propositam fuisse in Congregatione habitâ coram Sanctitate Sua Causam Viennen. in Galliâ Beatificationis, & Canonizationis Ven. Servi Dei Joannis Francisci Regis Presbyteri Societatis Jesu, discussoque in ea dubio: An constet de Virtutibus ejusdem Servi Dei tam Theologalibus, scilicet Fide, Spe, & Charitate, quàm Cardinalibus, nimirum Prudentia, Justitia, Fortitudine, & Temperantiâ, earumque respectivè annexis in gradu heroico, in casu, & ad effectum, de quo agitur: Sanctitatem Suam distulisse resolutionem, ad effectum exposcendi prius in re tam arduâ Divinum lumen. Cum autem id Sanctitas Sua jam fecerit, ac potissimum hac die Resurgentem Dominum humiliter exoraverit, ut Cœlesti claritate mentem suam illustrare dignaretur; quacumque idcirco majori cunctatione postpositâ, suffragis in eadem Congregatione latis inhaerere se velle declaravit, adeoque super præmissis dubio promulgari mandavit responsum affirmativum constare de Virtutibus tam Theologalibus, quàm Cardinalibus, earumque annexis in gradu heroico, in casu &c. & ita &c.

G. Card. Carpineus

C. Collicola Prothonotarius Apostolicus modò exercentis vices R. P. D. Cong. Sac. Rituum.

D E C R E T U M.

XIV.

In Causâ Hispalen., seu Marochitanâ Beatificationis, & Canonizationis, seu Declarationis Martyrii Ven. Servi Dei Joannis de Prado Fratris expressè Professi Strictioris Observantiæ Excalceatorum Ordinis S. Francisci die 27. Martii 1712. Festo Paschatis Resurrectionis Domini Nostri Jesu Christi.

SANCTISSIMUS Dominus N. Clemens Papa XI. absolute Sacro solemniter à Sanctitate Sua celebrato in Basilicâ Principis Apostolorum, statim ac ad suas solitas mansiones Palatii Vaticani reversus fuit, advocavit ante prandium D. Prosperum de Lambertinis Sacræ Consistorialis Aulæ Advocatum Fidei Promotorem, ac me infra scriptum Prothonotarium Apostolicum, modò exer-

centem vices R. P. D. Secretarii Congregationis Sacrorum Rituum, nobisque dixit, jam ante sex menses, nempe 22. Septembris 1711. in Congregatione habitâ coram Sanctitate Sua fuisse propositam Causam Hispalen., seu Marochitanam Beatificationis, & Canonizationis, seu Declarationis Martyrii Ven. Servi Dei Joannis de Prado Fratris expressè Professi Strictioris Observantiæ Excalceatorum Ordinis Sancti Francisci, ac primi Ministri Provincialis Provinciæ Beticæ Sancti Didaci nuncupatæ, ad annunciandum Evangelium, & docendas Gentes Regnorum Feze, & Marochii à Sacra Congregatione de Propagandâ Fide missi, in eaque discussum fuisse dubium: An constet de Martyrio, & Causa Martyrii ejusdem Servi Dei, ac de Signis, seu Miraculis in Casu, & ab effectu, de quo agitur; auditis tamen omnium suffragiis, nullam tunc à Sanctitate Suâ fuisse captam resolutionem, ut prius, de more, in tam gravi deliberatione Divinam Opem imploraret; Nunc verò, cum hoc jam peregerit, ad signanter hac ipsâ die ferventiores ad id preces in mox celebrato solemnî Sacrificio ad Deum effuderit, nolle se diutius differere publicationem responsi ad Dubium supradictum, adeoque inhaerendo suffragiis in eadem Congregatione latis, promulgari jussit decretum, ut sequitur: *Constare de Martyrio, & Causa Martyrii, nec non de uno tantum Miraculo tertii generis, videlicet de 13. subitæ Sanationis Fratris Gabrielis Telles ab impotentia ad motum universi sui corporis. Et ita &c.*

G. Card. Carpineus.

C. Collicola Prothonotarius Apostolicus modò exercentis vices R. P. D. Secr. Congr. Sac. Rituum.

D E C R E T U M

In Causâ Vratislavien. Beatificationis, & Canonizationis Beati Celsi Odroyantii Ordinis Prædicatorum.

PROPOSITO per Eminentissimum, & Reverendissimum D. Cardinalem Barberinum causæ Beatificationis, & Canonizationis B. Celsi Odroyantii prædicti Ponentem, seu Relatorem in Sacrorum Rituum Congregatione ordinariâ Dubio: An sententia Reverendissimi Suffraganei Vratislavien. Judicis delegati lata super Cultu memorabili, & Casu excepto à Decretis fel. rec. Urbani VIII. sit confirmanda, vel infirmanda in casu &c. Sac. eadem Rituum Congregatio, ad instantiam Reverendissimi Patris Antonini Cloche Magistri Generalis Ordinis Prædicatorum, prout etiam R. P. Magistri Thomæ Ripoll Sacerdotis Professi ejusdem Ordinis Provincialis Terræ Sanctæ, & hujusmodi Causæ Postulatoris, audito prius tam in voce, quàm in scriptis D. Comite Prospero de Lambertinis Sacræ Consistorialis Aulæ Advocato, ac Fidei Promotore, censuit respondendum, sententiam Suffraganei esse confirmandam, si Sanctissimo D. N. placuerit Die 20. Augusti 1712.

Factaque deinde de præmissis per me Collicollam Prothonotarium Apostolicum, & modò exercentem vices Secretarii Congregationis Sacrorum Rituum Sanctissimo Domino Nostro relatione, Sanctitas Sua benigne annuit. Die 27. ejusdem mensis Augusti, & anni 1712.

G. Card. Carpineus.

C. Collicola exercentis vices R. P. D. Secretarii Congr. Sac. Rituum.

DE-

1712.